

四庫全書

史部

欽定四庫全書

史部

欽定大清會典卷一百九十五至一百

詳校官檢討臣劉 炘

編修臣程嘉謨覆勘

總校官進士臣楊懋珩

校對官中書臣王昶憲

謄錄監生臣鄒世俊

欽定四庫全書

欽定大清會典卷九十五

八旗都統

滿洲八旗旗各都統一人副都統二人掌宣布

教養整詰戎兵以治旗人所屬叅領五人副叅

領五人掌頒都統副都統之政令以達於佐領

佐領

所治以三百人為率人戶滋生則增設佐領蒙古漢軍旗同今以見數計之

鑲

黃旗八十五人正黃旗九十三人正白旗八十

六人正紅旗七十四人鑲白旗八十四人鑲紅  
旗八十六人正藍旗八十四人鑲藍旗八十七  
人驍騎校每佐領一人掌稽所治人戶田宅兵  
籍以時頒其職掌

蒙古八旗旗各都統一人副都統二人所屬叅  
領二人副叅領二人佐領鑲黃旗二十八人正  
黃旗二十四人正白旗二十九人正紅旗二十  
二人鑲白旗三十一人鑲紅旗三十二人正藍

旗三十人鑲藍旗二十五人驍騎校每佐領一

人

以上職掌與滿洲八旗同

漢軍八旗旗各都統一人副都統二人所屬叅  
領五人副叅領五人佐領鑲黃正黃正白三旗  
各四十人正紅旗二十八人鑲白旗三十人鑲  
紅旗二十九人正藍旗三十人鑲藍旗二十九  
人驍騎校每佐領一人

以上職掌均與滿洲八旗同

旗制

國家以神武開基

龍興之初建旗辨色用飭戎行厥後歸附既衆卽  
按行軍旗色以定戶籍設官分職以養以教而  
兵寓其中始立四旗重為八旗合滿洲蒙古漢  
軍為二十四旗制度備焉及

定鼎燕京分田授宅辨方定位居則環衛周防出則  
折衝禦侮臂指之使磐石之固誠超越百代垂  
治萬年者矣

凡八旗序次曰鑲黃曰正黃曰正白為上三旗  
曰正紅曰鑲白曰鑲紅曰正藍曰鑲藍為下五  
旗行軍蒐狩以鑲黃正白鑲白正藍四旗居左  
為左翼正黃正紅鑲紅鑲藍四旗居右為右翼  
官職除授公差踐更以上下旗為辨朝祭班列  
旗籍界止以左右翼為辨

凡八旗方位左翼自北而東自東而南鑲黃旗  
在安定門內正白旗在東直門內鑲白旗在朝

陽門內正藍旗在崇文門內右翼自北而西自  
西而南正黃旗在德勝門內正紅旗在西直門  
內鑲紅旗在阜成門內鑲藍旗在宣武門內皆  
四周星共以環衛

宸居

凡八旗直班各有定所更番宿直

詳見  
則例

內城九

門安定德勝東直西直朝陽阜成崇文宣武八  
門各按軍士居止方位八旗滿洲蒙古漢軍分



直惟城門領安定門以正藍旗德勝門以鑲藍旗東直門以鑲白旗西直門以鑲紅旗朝陽門以正白旗阜成門以正紅旗崇文門以鑲黃旗宣武門以正黃旗

正陽門八旗輪直以滿洲蒙古九門外舊營房以滿洲蒙古新營房以滿洲蒙古漢軍外城七門鑲黃旗直東便門正黃旗直西便門正白旗直廣渠門正紅旗直廣寧門鑲白鑲藍二旗直左

安門鑲紅旗直右安門正藍旗直永定門均以  
漢軍○凡遇

皇帝恭謁

陵寢

行幸駐蹕及逢年節於城上設堆撥六處

巡幸口外及遠省設十有五處均以八旗滿洲蒙古

漢軍官自叅領以下驍騎校以上一人至四人

領催自一人至四人驍騎自二人至五十人分

班輪直晝夜巡宿以專責成

凡防禦火災每旗以都統或副都統一人叅領  
三人散秩官八人領催八人驍騎七十二人更  
番輪直遇旗界內及接壤之地有不戒於火者  
直班官兵會步軍統領卽往撲救乘火攫物者  
逮治之

戶口

凡編審丁冊閱三年各旗都統飭所屬佐領驍

騎校領催稽新舊壯丁五尺以上及已食餉未  
及歲者咸登諸冊每戶書氏族官爵無職者曰  
閒散某備載其父兄弟兄弟之子及戶下人  
舊冊之應開除者注名裁除編印冊二一貯旗  
一達戶部彙疏以

聞

盛京將軍各省駐防將軍都統副都統等飭所屬  
編丁亦如之有以未成丁及非正身子弟冒入

冊以應入冊及不應開除之壯丁隱漏者皆論如律

凡分晰戶丁八旗氏族冊籍可稽及以軍功勞績奉

旨入冊者曰正戶至世系湮洊年遠無考別載冊籍者撫養漢人為子者戶下家人本主念其勤勞願令開除出戶者皆聽其為民由本旗詢問願居何省何府州縣行文地方官收入民籍仍冊

送戶部存案設法贖身私入民籍事發作為開戶者或充內務府莊園壯丁或準其改入民籍由本旗詳察根源會戶部分晰請

旨

凡閱選秀女以三年為率屆期戶部移文八旗都統飭各佐領取具族長保結叅佐領詳覈申都統造冊咨送戶部請

旨閱選有故後期及未及歲者竝下次補閱各省駐

防協領等官暨文官同知以下武官游擊以下之女不送選有隱匿遺漏扶同徇縱及不待選私自聘嫁者論

凡改籍八旗漢軍本貫有廬墓田宅及他省有姻戚族黨可依或習藝操作自能食力者許改歸民籍移居外省內中都統外呈督撫均於年終達部彙奏從龍勲舊之子孫不與

凡撫養嗣子八旗官兵無子者許以兄弟之子

及遠近族人昭穆相當者入繼為後若本宗無人許撫正戶親屬之子為嗣均取族長叅佐領印甘各結詐稱無同宗濶立異姓及繼戶下人並漢人為子者論如律

凡旗人僮僕越旗買賣者禁滿洲蒙古家僮私鬻與漢軍漢人者禁旗人買旗僕由領催買漢人由司坊官及大宛二縣各覈真偽注册驗以印票持文契赴兩翼輪稅吉林黑龍江等處官



兵有奉差來

京買僕攜回者如之駐防旗員不許於所治買民  
為僕兵丁之無家人者買不得過二名違者皆  
論如法

凡旗人逃失在

京者以五日二百里內以十日四百里內以十五  
日為限投遞逃牌開具姓名年貌日期移咨刑  
部通行順天府五城直隸總督八溝熱河副都

統

盛京等處將軍蒙古扎薩克等委官兵嚴緝解刑  
部詳鞠按律治罪失察之該管官及地方官並  
論

田宅

國初王公勲戚下逮禁旅以近畿曠土分為恒產  
承平歲久漸有遷移而隨時經理之道起焉所  
以通變經久垂利賴於萬年也

凡授田之法始給畿輔閒田除其賦稅永為世業厥後戶口繁滋

盛京東北及諸邊口外新闢之壤咸分授焉

凡經理旗產官軍移外駐防應退之田未徹者戶絕不報佃人乘機隱匿者冒首墾荒占為民業者均令八旗都統委所屬叅領會直省地方官勘丈清楚作為公產徵租解部分給八旗以贍貧乏○民典旗產動支公帑取贖以典後十

年為率十年內給原價十年外減原價十之一  
以次按年遞減至五十年外給半價均令退田  
還官旗下開戶人承典正戶田者照民典減價  
之法戶下人承典本主田者十年內減原價十  
之一十年外減十之二均以次按年遞減官為  
取贖令原業人交價領田無力交價許以俸餉  
分五年扣抵無原業人許其子孫及親伯叔兄  
弟兄弟之子承領如無力交價又無俸餉可抵

及原繫賣絕之田均入官作為公產歲計所入之租彙疏以

聞為八旗贍貧之用有私相典賣者追田價入官與受旗民及失察徇隱之該管各官咸論如法○

開濬河道動用旗地令地方官丈明界址畝數開具原業姓名旗色冊申戶部轉行各旗限半年覈明具結咨覆按數補償

凡授宅之法始定八旗界止方位授宅分居厥

後戶口繁滋視里衙隙地及市廛廢業有願售者動支公帑買建官房給貧乏旗人棲止得房私售者論○調旗官兵準住原分旗界有願買宅遷居者聽願自築室者給以本旗官地索倫達虎里厄魯特等部落新附官兵移家來

京者按所分旗界動支公帑買屋授居無出售之屋行工部建築

凡承買入官房地交價領買者銀輸戶部庫即

咨該旗行兩翼給以印照以俸抵者分五限完  
日行兩翼給照皆免輸稅託名領買轉售圖利  
及拆毀者禁如房地原繫典契限一年內命原  
業領贖或以俸扣抵不願者聽

凡承追公帑外任虧空官行旗變產賠償者按  
限催交就近完納給予執照其銀由都統咨交  
戶部行知直省免其解送歸款變抵足數有餘  
產者給還祀田墳園守墳人口槩免入官私債

自理完公不準開欠抵追如家產盡絕該管佐  
領驍騎校叅領覈實中都統保題豁免不得濫  
及親族追賠豁免後有隱匿發覺者該管官皆  
論如法

欽定大清會典卷九十五



欽定四庫全書

欽定大清會典卷九十六

八旗都統

兵制

凡八旗設兵之制滿洲蒙古旗每佐領下親軍  
二人上三旗隸領侍衛內大臣下五旗隸宗室  
王公前鋒二人隸前鋒統領護軍十有七人隸  
護軍統領步軍統領催二人步軍十有八人隸步

軍統領烏槍護軍三人烏槍驍騎四人礮驍騎

一人隸火器營

詳見各營典則

領催五人驍騎二十人

弓匠一人鐵匠或鞍匠一人各隸本旗都統○

口外八旗游牧察哈爾每佐領下親軍二人前

鋒二人護軍二十五人領催六人驍騎三十五

人每旗捕盜兵二十人各屬本旗總管管轄統

隸於八旗蒙古都統○

圓明園護軍營護軍三千八百人教養兵四百八

十人○健銳營前鋒軍千人委前鋒千人教養  
兵百人○漢軍旗每佐領下領催五人烏槍驍  
騎四十二人每旗藤牌軍百人於驍騎內選充  
各隸本旗都統步軍領催一人步軍十有二人  
隸步軍統領

凡教養兵八旗餘丁及孤子未成丁者給餉養  
贍教之藝業以備軍伍之選各旗佐領下多寡  
不齊於本叅領下均勻選取

凡守衛

陵寢

官員詳見官制

永陵

福陵

昭陵

昭西陵

孝陵

孝東陵

景陵

泰陵

孝賢皇后陵寢各總管所屬均驍騎八十人

景陵皇貴妃園寢

妃園寢

泰陵妃園寢勝水峪

妃園寢

端慧皇太子園寢各防禦所屬均驍騎四十人

凡

畿輔駐防

官員詳見官制後仿此

鄭家莊城守尉所屬八旗

滿洲蒙古兩旗合設一佐領每佐領下領催四人  
人驍騎九十六人弓匠一人鐵匠一人漢軍左  
右翼各立一佐領每佐領下鳥槍領催四人鳥  
槍驍騎九十六人弓匠一人鐵匠一人共領催  
十有六人鳥槍領催八人驍騎三百八十四人  
鳥槍驍騎百九十二人匠役十有二人○昌平

州防守尉所屬正黃旗滿洲領催四人驍騎三十人蒙古領催一人驍騎十有二人良鄉縣防守尉所屬正紅旗滿洲蒙古寶坻縣防守尉所屬鑲白旗滿洲蒙古固安縣防守尉所屬鑲紅旗滿洲蒙古東安縣防守尉所屬鑲藍旗滿洲蒙古霸州防守尉所屬正黃正紅兩旗滿洲雄縣防守尉所屬鑲紅旗滿洲蒙古鑲藍旗滿洲蒙古均領催五人驍騎四十五人采育里防

守尉所屬正藍旗滿洲領催四人驍騎二十九人蒙古領催一人驍騎十有六人○保定府城守尉所屬正紅鑲紅兩旗滿洲蒙古領催四十人驍騎烏槍驍騎共四百六十人弓匠二人鐵匠二人○天津府水師營都統所屬八旗滿洲蒙古領催百二十八人前鋒百人驍騎二千七百三十二人礮軍四十人教養兵百九十二人戰船八號水手七十二人兼轄之滄洲城守尉



所屬八旗滿洲蒙古領催三十一人驍騎四百  
八十人弓匠二人鐵匠二人○山海關副都統  
所屬八旗滿洲蒙古漢軍領催四十人前鋒四  
十人鳥槍驍騎二百人驍騎四百四十人礮軍  
八十人兼轄之永平府防守尉所屬鑲白正藍  
二旗滿洲蒙古三河縣防守尉所屬正白旗滿  
洲蒙古均領催十人驍騎九十人順義縣防守  
尉所屬鑲黃旗滿洲蒙古領催五人驍騎四十

五人玉田縣防守尉所屬鑲黃正白二旗滿洲  
領催八人驍騎六十人蒙古領催二人驍騎三  
十人冷口防守尉所屬正黃正藍二旗滿洲蒙  
古領催十有二人驍騎百三十八人喜峯口防  
守尉所屬八旗滿洲蒙古領催十有六人驍騎  
百八十四人羅文峪防禦所屬鑲白正藍二旗  
滿洲蒙古領催八人驍騎九十二人○張家口  
總管所屬八旗滿洲蒙古領催十有六人驍騎

二百八十四人○古北口防守尉所屬正黃正紅鑲白正藍四旗滿洲領催十有二人驍騎百八十八人○獨石口防守尉所屬八旗滿洲領催四人驍騎九十六人兼轄之十家店防禦所屬八旗滿洲領催四人驍騎三十六人○熱河副都統所屬八旗滿洲蒙古委前鋒校八人前鋒九十二人領催百人鳥槍驍騎五百人驍騎千二百人破手四十人弓匠箭匠鐵匠各二十

人

凡

盛京駐防

盛京將軍所屬八旗滿洲蒙古漢軍領催五百二十八人前鋒二百人驍騎四千九百三十四人弓匠六十六人守門軍八人庫軍二十四人守黃寺軍八人守

御花園軍八人步軍領催八十人步軍七百二十

人鐵匠六十六人箭匠六十三人夜捕手二十九人

盛京將軍統轄之

興京城守尉所屬八旗滿洲蒙古漢軍領催六十四人驍騎四百十有一人又鐵匠十人

興京城守尉兼轄之撫順防禦所屬席伯及左翼四旗漢軍領催十有六人驍騎百二十四人又鐵匠二人○開原城守尉所屬八旗滿洲領催

六十八人驍騎九百二十三人弓匠九人又鐵匠十人開原城守尉兼轄之鐵嶺防禦所屬席伯及右翼四旗漢軍領催十有六人驍騎百二十四人又鐵匠二人法庫邊門防禦所屬領催一人驍騎三十七人臺領催二人○遼陽州城守尉所屬八旗滿洲蒙古領催五十四人驍騎六百有二人又鐵匠九人○廣寧縣協領所屬八旗滿洲蒙古漢軍領催四十八人驍騎四百

五十二人弓匠五人又鐵匠六人廣寧協領兼轄之巨流河白旗堡小黑山閭陽驛各佐領所屬滿洲漢軍均領催十有六人驍騎百二十四人又鐵匠二人彰武臺邊門防禦所屬滿洲漢軍領催一人驍騎三十九人○牛莊協領所屬滿洲漢軍領催四十人驍騎三百六十人又鐵匠二人○鳳凰城城守尉所屬滿洲蒙古漢軍領催六十二人驍騎六百三十五人弓匠八人

又鐵匠十二人○錦州府副都統所屬八旗滿洲領催百有四人驍騎八百八十八人弓匠八人又鐵匠十有三人錦州府兼轄之義州城守尉所屬八旗滿洲蒙古漢軍領催百二十四人驍騎一百五十八人弓匠十有八人又鐵匠二十人寧遠州小凌河中前所中後所佐領所屬席伯漢軍領催均十有六人驍騎均百二十二人弓匠二人又鐵匠二人松嶺邊門新臺邊



門兩防禦所屬均領催一人驍騎三十九人臺  
領催二人白石背邊門防禦所屬領催一人驍  
騎三十九人臺領催一人梨樹溝邊門明水塘  
邊門兩防禦所屬均領催一人驍騎二十九人  
臺領催一人義州城守尉兼轄之清河邊門防  
禦所屬領催一人驍騎三十九人臺領催一人  
白土廠邊門防禦所屬領催一人驍騎二十九  
人臺領催一人九關臺邊門防禦所屬領催一

人驍騎三十九人臺領催二人○熊岳副都統  
所屬八旗滿洲蒙古領催七十八人驍騎九百  
十有八人弓匠九人又鐵匠十一人熊岳副都  
統兼轄之復州城守尉所屬八旗滿洲蒙古領  
催六十二人驍騎六百二十五人弓匠九人又  
鐵匠十一人金州協領所屬八旗滿洲蒙古漢  
軍領催七十四人驍騎七百五十七人弓匠九  
人又鐵匠九人水師營漢軍領催二十六人水

師五百七十四人水手百人岫巖城守尉所屬  
八旗滿洲蒙古領催五十四人驍騎五百四十  
一人弓匠九人又鐵匠十三人蓋州協領所屬  
八旗滿洲蒙古漢軍領催四十人驍騎三百五  
十八人弓匠二人又鐵匠二人○威遠堡邊門  
領催九人驍騎四十一人英額邊門領催八人  
驍騎四十二人

興京邊門領催九人驍騎四十一人鰲廠靉陽二

邊門各領催四人驍騎四十六人鳳凰城邊門  
領催五人驍騎四十五人以為防禦

凡吉林駐防吉林將軍所屬八旗滿洲二千五  
百七十人漢軍百二十人巴爾虎三百五十人  
席伯六十人內前鋒八十人領催二百八十八  
人驍騎二千七百三十二人又漢軍烏槍領催  
四十八人烏槍驍騎九百五十二人水師營運  
糧船三十號漿船二十號水手二百五十八人

修船匠四十五人江上捕魚處滿洲領催六十人捕魚兵九百四十人○吉林將軍統轄之寧古塔副都統所屬八旗滿洲前鋒四十人領催六十人驍騎九百人○白都訥副都統所屬八旗滿洲三百人蒙古百人瓜爾察六百人內前鋒四十人領催七十二人驍騎八百八十八人○三姓地方副都統所屬八旗滿洲前鋒四十人領催百二十人驍騎十三百六十人○渾春

協領所屬八旗滿洲領催十有八人驍騎二百

三十二人○拉林副都統所屬原設八旗滿洲

領催四十八人驍騎四百六十四人後增設千

三百人又增設三千人

自乾隆二十一年至辛巳年分六年由京師

發往見未發齊

○伊屯佐領所屬八旗滿洲領催十有

二人驍騎百八十八人○鄂默黑索羅佐領所

屬八旗滿洲領催六人驍騎一百十有四人○

伊屯邊門鑲黃正白二旗赫爾索邊門正黃正

紅二旗巴顏俄佛羅邊門鑲白正藍二旗布爾  
圖庫蘇巴爾漢邊門鑲紅鑲藍二旗各滿洲領  
催一人驍騎十有九人

凡黑龍江駐防齊齊哈爾將軍所屬八旗滿洲  
九百六十人索倫達虎里九百六十人巴爾虎  
二百四十人漢軍二百五十二人內前鋒八十  
人領催二百四十人驍騎二千四十人驛站哨  
兵五十三人水師營領催七人水手二百六十

八人吉林伐木領催八人水手三百人官屯領  
催二人○齊齊哈爾將軍統轄之黑龍江副都  
統所屬八旗滿洲九百六十人索倫達虎里四  
百八十人漢軍百人內前鋒四十人領催百五  
十六人驍騎千三百四十四人水師營領催八  
人水手四百十有九人官屯領催三人○默爾  
根副都統所屬八旗索倫達虎里九百人漢軍  
百人內前鋒四十人領催百有二人驍騎八百



五十八人水師營領催一人水手四十三人官  
屯領催一人○呼倫布俞爾總管所屬八旗索  
倫達虎里九百六十人巴爾虎九百六十人厄  
魯特八十人內領催二百人驍騎千八百人○  
湖蘭城守尉所屬八旗滿洲領催四十五人驍  
騎四百五十五人運糧船領催四人水手四十  
人官屯領催一人

凡直省駐防山東青州府將軍所屬八旗滿洲

蒙古委前鋒校十有六人前鋒百八十四人烏  
槍領催四十八人烏槍驍騎七百五十二人礮  
領催八人礮驍騎八十人領催四十人驍騎八  
百七十二人步軍四百人弓匠鐵匠十有六人  
○德州城守尉所屬鑲黃正黃兩旗滿洲蒙古  
領催三十四人驍騎二百六十六人烏槍驍騎  
二百人弓匠二人鐵匠二人

河南開封府城守尉所屬八旗滿洲蒙古烏槍

領催十有五人烏槍驍騎二百八十五人領催  
二十五人驍騎四百七十五人弓匠十人鐵匠  
十人

江南江寧府將軍所屬八旗滿洲蒙古委前鋒  
校十有六人前鋒百八十四人烏槍領催五十  
六人烏槍驍騎七百四十四人礮驍騎九十人  
領催二百八十人驍騎二千七百二十人步軍  
八百人弓匠箭匠鐵匠各五十六人教養兵九

百人○江寧將軍統轄之京口副都統所屬八旗漢軍領催四百有二人驍騎千五百九十八人礮手七十二人步軍千人弓匠鐵匠各八人銅匠二人

福建福州府將軍所屬八旗滿洲委前鋒校十六人前鋒百八十四人領催百六十人驍騎千二百人步軍四百人弓匠鐵匠共四十人○水師營左翼四旗漢軍領催三十人鳥槍二百四

十人弓箭七十人礮四十人大刀四十人挑刀  
四十人藤牌九十人修船匠八人外郎二人水  
手四十二人

浙江杭州府將軍所屬八旗滿洲蒙古委前鋒  
校十有六人前鋒百八十四人烏槍領催十有  
六人烏槍驍騎百八十四人領催百六十人驍  
騎千有四十人步軍四百五十人弓匠箭匠鐵  
匠各三十二人四旗漢軍烏槍領催百人烏槍

驍騎七百人領催百人驍騎七百人礮手十六人步軍二百五十人鐵匠三十七人○杭州將軍統轄之乍浦副都統所屬左右營八旗滿洲領催七十二人驍騎千一百二十八人蒙古領催二十四人驍騎三百七十六人弓匠箭匠鐵匠各十有六人

湖廣荊州府將軍所屬八旗滿洲蒙古前鋒二百人烏槍領催百十有二人烏槍驍騎千七百

八十八人領催二百二十四人驍騎千六百七十六人礮手八十人教養兵四百人步軍七百人弓匠箭匠鐵匠各五十六人

山西綏遠城將軍所屬八旗滿洲蒙古漢軍委前鋒校十有六人前鋒百八十四人領催百二十八人驍騎二千八百七十二人箭匠鐵匠各二十八人○綏遠城將軍統轄之右衛副都統所屬八旗滿洲蒙古漢軍前鋒八十人領催二

百有八人驍騎三千二百十有六人箭匠鐵匠各四十人○太原府城守尉所屬正藍鑲藍兩旗滿洲蒙古領催四十人驍騎四百六十人教養兵四十人弓匠鐵匠各二人

陝西西安府將軍所屬八旗滿洲委前鋒校二十四人前鋒二百七十六人領催二百十有六人驍騎三千七十七人礮手八十二人步軍五百有六人教養兵七百二十人弓匠箭匠鐵匠各



四十人蒙古委前鋒校八人前鋒九十二人領  
催八十八人驍騎千二百二十六人礮手三十  
二人步軍百九十四人教養兵二百八十人弓  
匠箭匠鐵匠各十有六人漢軍領催二百人驍  
騎千八百人礮手四十六人步軍三百人弓匠  
八人

寧夏府將軍所屬八旗滿洲蒙古委烏槍前鋒  
校十有六人烏槍前鋒百八十四人烏槍領催

四十八人烏槍驍騎十三百五十有二人礮領  
催八人礮驍騎百六十有二人領催七十二人  
驍騎三百五十八人烏槍步軍四百人步軍二  
百人教養兵六百人弓匠箭匠鐵匠各二十四  
人

涼州府將軍所屬八旗滿洲蒙古漢軍委前鋒  
校十有六人前鋒百八十四人烏槍領催五十  
二人烏槍驍騎八百四十八人領催五十二人

驍騎八百四十八人礮手五十二人步軍六百  
人弓匠箭匠鐵匠各二十四人○涼州將軍統  
轄之莊浪副都統所屬八旗滿洲蒙古漢軍委  
前鋒校八人前鋒九十二人烏槍領催二十六  
人烏槍驍騎四百二十四人領催二十六人驍  
騎四百二十四人礮手二十八人步軍四百人  
弓匠箭匠鐵匠各十有二人

四川成都府副都統所屬八旗滿洲蒙古委前

鋒校八人前鋒百五十二人領催百四十四人  
驍騎千二百九十六人礮手四十八人步軍四  
百人弓匠箭匠鐵匠各三十二人

廣東廣州府將軍所屬八旗滿洲領催百六十  
人驍騎千三百四十人漢軍領催百六十人驍  
騎千三百四十人礮手三十人弓匠鐵匠二十  
六人○水師營八旗漢軍領催三十人水師四  
百七十人修船匠十有二人教習綠旗兵百人

內正工五十人遇闕仍選綠旗兵充補副工五十人遇闕以八旗壯丁選補

凡拔補兵丁親軍前鋒鳥槍護軍於護軍驍騎步軍教養兵壯丁內簡拔護軍於驍騎步軍教養兵壯丁內簡拔驍騎於步軍教養兵壯丁內簡拔棉甲軍於教養兵壯丁內簡拔步軍礮手於壯丁內簡拔弓匠於驍騎內選充鐵匠於壯丁內選充領催於護軍驍騎內簡拔均由叅領

佐領擇取應補之人呈都統統領副都統覈定  
凡八旗軍實每旗都統龍纛一每佐領纛一每  
領催小旗一都統以下驍騎校以上各甲一胄  
一弓二纛韃一佩刀一都統矢四百副都統三  
百五十叅領二百五十佐領二百驍騎校百驍  
騎弓一矢五十二人合長槍一餘同海螺每叅  
領下各二每佐領下各一漢軍每佐領下鹿角  
一連枷棍四藤牌兵每人藤牌刷刀各一每旗

海螺五每旗鳥槍營礮營各鼓一金五鑲黃旗  
漢軍礮局貯礮六十有九正黃旗七十有九正  
白旗六十有九正紅旗七十有四鑲白旗六十  
有三鑲紅旗六十有八正藍旗六十有五鑲藍  
旗七十有二

凡八旗馬駝滿洲蒙古佐領下各牧馬二十三  
或二十四匹駝二匹每旗

簡都統或副都統一人專掌牧政佐以叅領驍騎校

等官歲以孟夏上旬視馬駝之肥瘠計差務之繁簡酌留應用外其餘悉出牧場以就青草每營以副都統一人總理官校佐之擇護軍驍騎勤慎者充芻牧之役約百五十日仍還

京歸原牧遇有斃損準其變價並豫支馬乾銀買補呈驗烙印至官軍扈從行圍所需官馬駝責令謹於飼秣不得以疲乏者繳還及交價抵銷

欽定大清會典卷九十六



欽定四庫全書

欽定大清會典卷九十七

八旗都統

訓練

凡

大閱

皇帝躬擐甲冑御橐鞬

巡閱軍營登臺視操

詳見兵部

八旗將領簡精銳飭器械

集教場結陣肅聽軍令陣法前列漢軍火器營  
左翼四旗以次而東西上右翼四旗以次而西  
東上每旗鹿角二十昇鹿角棉甲兵八十人引  
繩棉甲兵四人長槍二十連枷棍二十鹿角兩  
旁礮營神威將軍礮十護礮鳥槍百藤牌百礮  
手三十人御礮車驍騎百有十人鳥槍驍騎百  
人藤牌兵百人叅領轟十執轟驍騎三十人隨  
礮小旗二十負旗領催二十人紅旗二麾旗領

催二人金五鼓一鳴金驍騎十人舁鼓棉甲兵  
四人擊鼓驍騎二人海螺五鳴螺驍騎五人每  
旗叅領三人散秩官十人驍騎校十人每旗烏  
槍二百二十烏槍領催二十人驍騎二百人大  
纛一執纛領催一人驍騎三人隨纛散秩官一  
人領催二人驍騎二十人叅領纛五執纛驍騎  
十五人紅旗二麾旗領催二人小旗二十二金  
五鼓一鳴金驍騎十人舁鼓棉甲兵四人擊鼓

驍騎二人海螺十有三鳴螺驍騎十三人每翼  
都統二人每旗副都統一人叅領二人散秩官  
五人給使官二人驍騎校七人共八旗漢軍火  
器營都統四人副都統八人官校三百二十人  
礮手二百四十人隨礮領催驍騎二千二百三  
十二人藤牌兵八百人烏槍領催驍騎二千三  
百四人舁鹿角舁鼓引繩棉甲兵七百三十六  
人通計兵六千三百十二人鹿角百六十長槍

百六十連枷棍百六十神威將軍礮八十鳥槍  
二千五百六十藤牌八百大轟八叅領轟百二  
十紅旗三十二小旗三百三十六鼓十有六金  
八十海螺百四十四火器營左翼四旗在漢軍  
左翼之左右翼四旗在漢軍右翼之右鳥槍護  
軍營鳥槍百二十護軍百二十人總統五人每  
旗轟縣二執轟護軍四人紅旗一麾旗護軍二人  
小旗十二負旗鳥槍什長十二人海螺十鳴螺

護軍十人護軍叅領二人護軍校十四人驍騎  
營子母礮六每礮小旗一負旗隨礮領催一人  
驍騎九人纛一執纛驍騎二人叅領一人散秩  
官五人驍騎校五人烏槍驍騎營烏槍百二十  
驍騎百二十人纛二執纛驍騎四人紅旗一麾  
旗驍騎二人小旗十有二負旗領催十二人海  
螺十鳴螺驍騎十人叅領二人散秩官七人驍  
騎校十四人共八旗火器營總統五人官校四

百人鳥槍什長九十六人鳥槍護軍九百六十人鳥槍領催九十六人鳥槍驍騎九百六十人礮營領催驍騎四百八十人執旗鳴螺護軍領催驍騎二百七十二人通計兵二千八百六十四人鳥槍千九百二十子母礮四十八轟四十紅旗十有六小旗二百四十海螺百六十頭隊前鋒營每翼前鋒統領一人每翼前鋒叅領一人前鋒侍衛一人前鋒校八人

於前鋒內委用

每佐領

下前鋒一人每前鋒二人用烏槍前鋒一人小  
旗八海螺四護軍營每翼護軍統領一人每旗  
護軍叅領五人每佐領下護軍二人每旗護軍  
統領纛一八旗海螺共五十四每護軍四人用  
小旗一驍騎營每翼都統二人每旗副都統一  
人叅領二人每叅領下散秩官二人驍騎校二  
人每佐領下領催驍騎二人每旗叅領纛七海  
螺七每驍騎四人用小旗一共頭隊將領十六



人官校二百九十六人兵四千四百十人

兵額各按

佐領分撥  
後做此

轟六十四小旗六十四海螺百四十

二此內撥出前鋒營前鋒統領一人前鋒叅領

二人前鋒侍衛二人前鋒二百人護軍營護軍

統領一人護軍叅領八人護軍四百人驍騎營

副都統二人叅領八人散秩官十六人驍騎校

十六人驍騎三百二十人再於火器營內撥出

烏槍護軍叅領四人烏槍護軍百六十人烏槍

驍騎叅領二人烏槍散秩官四人烏槍驍騎百六十人共將領四人官六十二人兵千二百四十人於退兵時殿後次隊護軍營每翼護軍統領一人每旗護軍叅領三人每佐領下護軍三人每旗護軍統領纛一八旗海螺共四十八每護軍六人用小旗一驍騎營每翼都統一人副都統一人每旗驍騎叅領一人每叅領下散秩官一人驍騎校一人每佐領下驍騎一人每旗

叅領肅四海螺四每驍騎四人用小旗一其將  
領八人官校百四十四人兵三千五百二十八  
人肅四十海螺八十左右兩翼應援兵護軍營  
每翼護軍統領一人每旗護軍叅領二人每佐  
領下護軍一人每旗護軍統領肅一每護軍四  
人用小旗一驍騎營每翼都統一人副都統二  
人每旗驍騎叅領一人每叅領下散秩官一人  
驍騎校一人每佐領下驍騎一人每旗叅領肅

三海螺三每驍騎四人用小旗一共左右兩翼  
應援兵隊將領八人官校百三十六人兵千七  
百六十四人纛三十二海螺二十四鑾儀衛蒙  
古畫角十官七人鳴角軍二十一人五旗諸王  
蒙古畫角十官十人鳴角軍二十人海螺十有  
二鳴螺親軍十二人共蒙古畫角二十官十有  
七人鳴角鳴螺軍五十三人禁約喧譁每旗護  
軍叅領一人護軍校一人護軍四十人滿洲蒙

古漢軍三旗合委散秩官八人驍騎校八人驍  
騎三百二十人共官三十二人兵六百四十人  
滿洲蒙古漢軍三旗合委傳宣官八人驍騎校  
八人護軍校八人共二十四人以上八旗各營  
將領四十九人官校千三百六十九人兵萬九  
千五百七十一人陣後共設三十四營左翼漢  
軍四旗四營火器營四旗四營前鋒四旗一營  
四旗護軍與驍騎相間立八營右翼漢軍四旗

四營火器營四旗四營前鋒四旗一營四旗護  
軍與驍騎相間立八營每營廣二十四丈長四  
十丈各營相距各一丈共三十二丈自立營處  
至次隊相距七十五丈次隊護軍驍騎列陣每  
旗廣一百十有一丈共廣八百八十八丈自次  
隊至頭隊相距十有五丈頭隊護軍驍騎列陣  
每旗廣一百十有一丈共廣八百八十八丈頭  
隊左右應援兵列陣每旗廣五十五丈五尺共

廣四百四十四丈合計頭隊護軍驍騎兩翼護  
軍驍騎列陣共廣千三百三十二丈頭隊之前  
前鋒列陣每旗廣十有二丈共廣九十六丈自  
頭隊至鹿角相距二十五丈漢軍鹿角火礮烏  
槍列陣廣三百三十八丈火器營烏槍護軍驍  
騎列陣每旗廣三十七丈共廣二百九十六丈  
合漢軍鹿角火礮烏槍火器營兵列陣共廣六  
百三十四丈自鹿角至初次進步相去二十丈

自初次進步七丈五尺以至九進共六十七丈  
五尺頭隊兵出鹿角外列陣去鹿角十有五丈  
呼譟前進五十步駐立去鹿角外列陣處二十  
五丈殿軍殿後處去前進駐立處十有五丈前  
離八旗號纛五丈八旗號纛與

閱武臺相距百五十丈自立營處至

閱武臺相去四百十有二丈五尺

大閱陣法及將士甲兵槍礮旗纛金鼓畫角鳴螺鹿



角之數均以是為定制

凡操兵八旗官軍歲以春月分操於本旗教場  
二次合操於鑲黃正黃二旗教場一次秋月豫  
奏操期會八旗諸營大操於仰善窪二次其大  
操隊伍號令及官軍旗纛器械之數均如

大閱之制○漢軍旗藤牌軍每歲春秋二季均四旗  
合操二次八旗合操一次遇

大閱及八旗諸營大操之時仍守護大礮入陣演習

○八旗鳴螺歲以春二月十五日至三月一日  
秋七月十五日至八月一日晨集軍士吹演兵  
部委官稽察

凡演試火器漢軍歲以春二月十六日秋八月  
十六日為始各演鳥槍四十五日本翼四旗仍  
合操二次春秋各演標準三次歲由兵部奏演  
神威將軍等礮鑲黃旗漢軍都統會八旗列名  
奏請

簡命都統副都統各二人監視先期運礮至蘆溝橋樹的以百弓為率自九月一日始每礮日演十出至一月止烏槍營及礮營每三歲一合操其金鼓號令均如

大閱之制

凡校射八旗驍騎營以每月上旬四八日中下旬三八日為校射之期都統以下各官親往閱視若遇奏事及會議之日畱副都統一人往閱

春秋擐甲胄步射二次由本旗定期移文兵部  
馬射由兵部定期通行八旗均遣官稽察叅校  
一二次失操者記過三次叅處軍士一二次失  
操者鞭責三次責革都統副都統不親詣教場  
或徇庇官軍者察出并論先期以閱射官銜名  
冊送稽察御史臨期視操有不遵定例者叅劾  
凡練習步獵歲以初冬依行圍之法步獵二次  
或三次直年都統等會八旗定期具奏各旗都

統副都統簡校選兵率往郊野親視操演

授官

凡授官拔擢論才品推升計資俸保舉視政績  
記名即升與卓異應升分先後以定正陪繫本  
旗及兩旗公補之官由本旗及兩旗都統繫八  
旗公補之官由直年都統均引

見候

旨補授六品以下注冊五品以上咨兵部彙疏以

聞○八旗都統副都統駐防將軍都統副都統均由

兵部疏請補授

詳見兵部

○滿洲叅領由本旗都統

列副叅領五人並移宗人府領侍衛府簡選宗

室侍衛鎮國將軍以下奉國將軍以上咨送列

名蒙古漢軍叅領列副叅領五人均引

見補授○副叅領於印房理事之佐領世爵及應升

各官內選擬正陪引

見補授○世襲佐領三等

國初各部落長率其屬來歸授之佐領以統其衆  
爰及苗裔者曰勲舊佐領繫適長房承襲者員  
闕以其子孫擬正以支庶曾管此佐領之子孫  
擬陪如承襲人無嗣及以罪廢子孫例不得襲  
仍於適長房分出之支簡選擬正繫支庶承襲  
者員闕亦以其子孫擬正以適長房之子孫擬  
陪如承襲人無嗣及以罪廢子孫例不得襲於  
適長房無佐領之支簡選擬正於通族內簡選

擬陪及列名備用奉

上分給各支者按支分襲奏明衆支均與者每支選  
擬一人不分正陪適長房之子孫願讓與支庶  
子孫承襲者繫曾管此佐領人子孫方準義讓  
始授佐領人無嗣未經立後有親兄弟暨伯叔  
之子孫者不論曾否管此佐領均得與正陪之  
選若伯叔祖雖曾管此佐領其子孫均不得與  
承襲人無嗣繼族子為後者得與正陪之選繼



異姓為後不得與一丈有兩三佐領者以未管  
佐領人子孫擬正已襲佐領人子孫擬陪兩支  
各管一佐領者以承襲本丈佐領人子孫擬正  
別丈擬陪兩支族人列名擬備○攜挈族里倡  
義歸誠或功在旂常得

賜戶口爰立佐領奕葉相承者曰世管佐領繫始授  
佐領人子孫承襲者員闕以其子孫擬正以別  
丈曾管此佐領人子孫擬陪繫始授佐領人伯

叔兄弟之子孫承襲者員闕仍以始授佐領人  
子孫擬正以其伯叔兄弟之子孫擬陪族人均  
列名擬備始授佐領人無嗣未經立後以兄弟  
之子孫承襲無兄弟子孫次及伯叔之子孫無  
伯叔子孫次及近族不論曾否管此佐領均得  
擬正擬陪若兄弟之子孫未襲以伯叔之子孫  
承襲者員闕以兄弟之子孫擬正其伯叔之子  
孫與選正陪伯叔祖曾伯叔祖曾管此佐領者

其子孫但準擬陪高祖以上及於遠族曾管此  
佐領者其子孫但準列名均不得擬正始授佐  
領人子孫願讓與伯叔兄弟子孫及遠族承襲  
者不論曾否管此佐領均準義讓因本支已有  
佐領於別支有分之佐領不願與選者聽至一  
族編成之佐領以承襲人子孫擬正於通族簡  
選擬陪及列名擬備○戶少丁稀合編佐領兩  
姓三姓迭為是官者曰互管佐領員闕以未管

佐領人子孫擬正已管佐領人子孫擬陪餘與  
勲舊佐領同皆由都統等造具譜牒分系列名  
名下注應襲所由進

呈

御覽引

見補授

盛京八旗及游牧察哈爾世襲佐領同○公中佐  
領以本旗不兼部務之世爵及一品以下五品

以上文武官內簡選○滿洲蒙古驍騎校於本  
佐領下護軍領催內選二人擬正陪引

見漢軍驍騎校於本佐領下領催內選擬正陪領催  
不得人於出征効力年久之驍騎內選擬如本  
佐領下不得其人於本旗內選擬均由本旗都  
統等引

見補授○信礮總管於八旗輕車都尉騎都尉信礮  
官內簡選由直年都統等引

見補授監守信礮官於騎都尉雲騎尉護軍校驍騎  
校及六七八品官內選擬正陪城門吏於前鋒  
護軍領催驍騎內選擬正陪均由本旗都統引  
見補授○犧牲所牧於八旗騎都尉雲騎尉內選擬  
守護

陵寢總管由旗調取本處翼領一人翼領調取本處防  
禦一人均由直年都統等引

見補授翼領距京路遠者列名以請或在外無應列

名之人於在京應升人內簡選防禦由總管於  
本處應升驍騎校及由前鋒護軍選補之贊禮  
郎內簡選一人擬正送京其原官効力已逾數  
世者子弟亦準與選本旗都統等於親軍前鋒  
護軍驍騎諸校及七八品官內選一人擬陪驍  
騎校由總管於本翼驍騎內選擬正陪送京均  
由本旗都統引

見補授○直省駐防協領由將軍等於本翼叅佐領

內遴選山海關協領由副都統於所屬之永平等處防守尉並本處佐領內遴選城守尉由將軍等於本處佐領世爵內遴選叅領佐領於本翼防禦內遴選防禦於本翼驍騎校內遴選均咨送來京驍騎校遠省於記名一二等之領催及恩騎尉內選補近省於領催驍騎內遴選送京均由本旗都統引

見補授其在外無應送之人令該旗都統於應升人



內遴選引

見補授德州城守尉應兩黃旗公補滄州城守尉應  
兩白旗公補保定府城守尉應兩紅旗公補太  
原城守尉應兩藍旗公補由兩旗都統於所屬  
叅領侍衛內遴選鄭家莊河南開封府城守尉  
應八旗公補由直年都統等於八旗叅領侍衛  
內遴選防守尉由本旗都統於前鋒侍衛護軍  
驍騎副叅領佐領二等三等侍衛內遴選均引

見補授○游牧總管由本旗蒙古都統會理藩院於  
本翼一等侍衛前鋒護軍驍騎各叅領各部院  
蒙古郎中內簡選四人副管由總管於本處子  
男輕車都尉叅領騎都尉內選一人送京游牧  
捕盜官於前鋒護軍領催內遴選送京均由本  
旗都統引

見補授○黑龍江寧古塔四五六品管水手官由將  
軍於水手官領催驍騎內以次選擬正陪送京

八旗直年都統等引

見補授○王府長史貝勒司儀長由本旗都統於下  
五旗前鋒護軍驍騎各叅領佐領散騎郎一二  
等護衛子男輕車都尉騎都尉內每旗選二人  
送兵部會領侍衛內大臣該王貝勒定擬護衛  
以下由王公等選擬均會兵部引

見補授府屬叅領佐領均由本旗都統於本屬下護  
衛內選擬正陪引

見補授

凡兼攝職事各旗隨印協理事務叅領以本旗  
驍騎叅領兼攝印房理事官以本旗世爵及佐  
領驍騎校兼攝均由都統選擬正陪引

見簡委筆帖式於本旗護軍領催驍騎內簡選外郎  
咨取漢軍官學生均送吏部考補○管轄舊營  
房於滿洲蒙古世爵內擬正陪管轄新營房以  
每旗叅領世爵選擬正陪均由都統引

見簡委驍騎校由都統等簡委○八旗俸餉房馬冊  
房理事官由都統以本旗叅佐領驍騎校簡委  
兼攝

凡文武官改補旗員授綠旗營將弁五年任滿  
不宜營務者由督提咨送兵部交旗改補八旗  
武職副將以步軍翼尉城守尉協領用游擊以  
前鋒護軍驍騎各叅領用都司以前鋒侍衛副  
叅領步軍協尉佐領防守尉用守備以步軍尉

防禦用○文職改補者給事中御史道府以副  
叅領佐領城門領用員外郎同知知州以步軍  
尉監守信礮官用主事通判知縣以驍騎校用  
小京官府州縣首領筆帖式以城門吏用均試  
職一年擬補

凡降補一品官降一級調用由兵部列名請

旨降二級以下二品至五品官降一級以下各照所

降之級按品擬補於正升人後列名請

旨一二品官應降補六品者令在旗効力三年無過  
進一級擬補三品官降四級四品官降三級五  
品官降二級調用均以城門吏擬補無官可補  
者罷職

### 襲爵

凡列爵五等曰公曰侯曰伯曰子曰男其次三  
等曰輕車都尉曰騎都尉曰雲騎尉自輕車都  
尉以上又各分三等為等二十有六以酬勲庸

以推

恩澤

凡授爵自雲騎尉始積功至兩雲騎尉為騎都尉積三為騎都尉兼一雲騎尉積四為三等輕車都尉積五為二等輕車都尉積六為一等輕車都尉積七為一等輕車都尉兼一雲騎尉以上視此遞積累加計二十六雲騎尉至一等公凡襲次



開創之初不分爵秩大小或世襲罔替或定以世次皆以原奉

誥勅為據海宇混壹之後雲騎尉襲一世騎都尉襲二世騎都尉兼一雲騎尉襲三世三等輕車都尉襲四世二等輕車都尉襲五世一等輕車都尉襲六世一等輕車都尉兼一雲騎尉襲七世三等男襲八世二等男襲九世一等男襲十世一等男兼一雲騎尉襲十一世三等子襲十二

世二等子襲十三世一等子襲十四世一等子  
兼一雲騎尉襲十五世越十五世者世襲罔替  
凡承襲必以受爵人子孫無子孫次及兄弟之  
子孫無兄弟之子孫次及伯叔之子孫無伯叔  
之子孫次擇近族一人承襲爵繫適長承襲者  
員闕以其子孫擬正支庶之子孫擬陪如承襲  
人無嗣及以罪廢子孫例不得襲仍於適長分  
出之支簡選擬正繫支庶承襲者員闕亦以其

子孫擬正適長之子孫擬陪如承襲人無嗣及以罪廢子孫例不得襲即以適長之子孫擬正於通族簡選擬陪及列名備用適長之子孫願讓與夫庶子孫承襲者聽其義讓○受爵人子孫未襲以兄弟之子孫承襲者員闕以受爵人子孫承襲兄弟之子孫止於譜內注承襲次數受爵人無嗣有兄弟之子孫未襲以伯叔之子孫承襲者員闕以兄弟之子孫承襲伯叔之子

孫止於譜內注承襲次數均不得與正陪之選  
繼本族子孫為後者與選正陪繼異姓為後者  
不得與○一人前後受封合為一爵者其子孫  
仍令合襲一人兼襲數爵合為一爵者其子孫  
準與分襲兩爵并授一人經長次兩房子孫承  
襲尚有別房子孫者員闕以承襲人子孫擬正  
未襲之子孫擬陪一支承襲兩爵者以未襲之  
子孫擬正擬陪受封人因有衆子奏明均許與

選者每支簡選一人不分正陪各按宗系造具  
譜牒分支列名名下注應襲所由進

呈

御覽引

見子襲

凡推

恩續封

誥勅內載有承襲世次及襲數在十五世以下者載

稽始封繫由陣亡授爵竢世次已盡續封恩騎尉俾世襲罔替

凡承襲譜牒各鈔錄二本一鈐本旗都統印送內閣收貯一鈐叅佐領關防圖記送本旗公署存貯有應增入者歲終纂輯積十年再鈔錄一本送內閣

凡察覈世次

誥勅內世襲罔替及載明襲次者順治八年

恩詔未加爵及加爵注銷餘應準襲者

詔後未立功及初立軍功得爵者均由本旗奏請承襲得

旨後以

誥勅送吏部增注承襲人名若

誥勅內有應注銷者送部覈定然後請襲

教養

凡旗學八旗各設官學以教官軍子弟之穎秀

者國子監掌之各設義學以教貧不能延師者

禮部掌之

詳見禮部國子監

本旗月委叅領會禮部司

官稽察○兩翼各設世爵官學

簡滿洲大臣十人分蒞其事各委叅領二人更番稽察世爵十八歲以下十歲以上均令入學習國語騎射三年期滿疏

簡王大臣考試一等者引

見錄用二等按品補用旗員三等留學更閱三年再



試無成除爵別襲教習國語於滿洲散秩官筆  
帖式及因公呈誤之廢官教習騎射於滿洲護  
軍校前鋒護軍內每翼選補四人期滿議叙不  
善教者罰斥有差滿洲蒙古每叅領下漢軍每  
旗各設學舍一十二歲以上子弟滿洲漢軍令  
習清文國語蒙古兼習蒙古語其教習滿洲蒙  
古於前鋒護軍領催驍騎漢軍於滿洲散秩官  
筆帖式及因公呈誤之廢官內各由該都統擇

通繙譯者二人充補別委一二人教以騎射都  
統叅領等隨時稽察課程期滿分別等差請

旨叙錄

凡錄送考試八旗滿洲蒙古漢軍童生遇歲科  
試各由本旗佐領取本旗廩生保結俾無濶冒  
申都統定期行咨翰詹衙門滿官一人會叅佐  
領考錄錄畢呈都統送禮部咨兵部請

簡大臣校試騎射合式乃準入場臨試該叅領等仍

偕至識別○諸生屆歲科試由都統轉飭各叅佐領嚴催赴考有不能如期應試者各叅佐領確察申都統以事由咨學政分別定限補考託故規避及徇隱苛索者論○遇鄉會試由兵部咨取銜名疏請

欽命副都統叅領散秩官每翼各一人率領催五人入闈巡視試竣乃出試日唱名每旗委叅領散秩官一人送考繙譯生員三載兩試由各佐領

彙造名冊申送直年都統疏請

欽命滿大臣考試清文錄取無定額中式者咨吏部

以中書筆帖式庫使選用

凡旌表建昭忠祠於

京師八旗及直省駐防官兵有授命行陣者由都

統詳具事蹟疏請入祀八旗分左右翼建忠義

孝弟祠節孝祠由各旗佐領驍騎校確勘本旗

之孝子順孫義夫孝婦節婦送叅領申都統覈

實咨禮部彙疏請旌得

旨題坊於祠故則設位春秋遣官致祭皆給戶部庫銀三十兩令自建坊節婦之僅合年例者酌量嘉獎題名於碑附疏以

聞

優卹

凡優給職官領侍衛內大臣滿洲都統給親隨兵八名蒙古漢軍都統前鋒護軍統領各六名

步軍統領五名滿洲副都統四名蒙古漢軍副都統各三名翼尉一名前鋒護軍驍騎叅領各二名副護軍驍騎叅領前鋒侍衛均一名有半每名月給餉銀三兩歲折米價十有二兩由戶部闕支給都統副都統銜有職掌者部院堂官兼都統副都統郎中兼叅領佐領及額外旗員之任事者皆按等兼支又歲給養廉銀領侍衛內大臣九百兩滿洲都統七百兩蒙古漢軍都

統前鋒護軍統領各六百兩滿洲副都統步軍  
統領各五百兩蒙古漢軍副都統步軍翼尉各  
四百兩按兩季支給叅領各六十兩副叅領前  
鋒侍衛各四十兩印房官視副叅領均於歲終  
分給

凡公費八旗各給入官房地入租以充公用滿  
洲每旗歲約千餘兩蒙古旗三百兩漢軍旗五  
百兩本旗用不敷許於別旗通融動支餘貯戶

部庫需用時請領

凡卹賞歲於戶部移取長蘆兩淮鹽課銀十二萬兩賞卹官軍滿洲每旗月七百兩蒙古旗三百兩漢軍上三旗各三百兩下五旗各二百二十兩均於四季支取按旗分貯喪葬有卹婚嫁有賞前鋒親軍護軍驍騎諸校領催驍騎步軍教養兵各執事人及休退閒散病廢孤寡者各按等差給與由叅佐領驍騎校領催族長覈實



具保結支領兵丁之在屯者亦如之歲終該都  
統彙疏以

間有虛冒者罪之該管稽察各官論如律

凡出征官軍月餉給本家以資養贍無家者餉  
銀由佐領收貯米咨戶部存倉凱旋日按數給  
與

凡優給休退官兵武職引年量軍功給全俸半  
俸有差文職予告者同世爵未及歲者給半俸

及歲給全俸世爵無嗣族人襲者以三分俸之一無人襲者以其俸之半給孀婦終其身驍騎患病傷殘及年六十以上告退者有軍功月給銀一兩米一斛僅從征者無嗣亦準給官兵身故給其妻俸餉之半一年駐防官兵之妻歸旗者亦如之無嗣者終身給與教養兵餉

凡隨任留養外任旗員子弟獨子準隨任所有二三子者留一子四五子者酌留二三子餘均

至十八歲以上送京選充執事人其考取之進士舉人貢生廩膳生繙書房生監咸安宮國子監學生皆不咨送直省駐防官兵降革病休及兵丁之已退者願就養於在外子孫無子孫及兄弟之子願就養於戶下之人食餉者皆聽病故官兵妻亦如之無嗣歸旗者該管官給郵符遣官押送

凡貸給庫帑八旗大小官員願借俸銀者喪葬

準借六月婚嫁準借四月按季扣除如先有坐扣之項展限扣還前鋒親軍護軍驍騎諸校準借三十兩前鋒親軍護軍領催及族長二十兩驍騎十有五兩按月坐扣循環出納以資生計不願借者聽病故告休及獲罪力不能完者豁免

公式

凡軍政五歲一舉二品以上由兵部疏其官階

治績以

聞餘均考察於其長定為四格格分三等一操守曰  
廉曰平曰貪一才能曰長曰平曰短一騎射曰  
優曰平曰劣一年歲曰壯曰中曰老注上考者  
弊以五事曰行止端方曰居官勤慎曰弓馬嫻  
習曰馭兵有律曰給餉無虛具五事者薦舉卓  
異注下考者議以八法曰貪曰酷曰罷軟無為  
曰不謹曰年老曰有疾曰浮躁曰才力不及干

一法者糾劾各官有出征受傷及得功者考列  
中平不入舉劾者均注册於本年九月初旬送  
兵部候部疏請

欽命大臣考察

凡計功以功紀錄者繫職官奏請得

旨用兵部印紙填注咨部領催應得紀錄注册存貯  
旗部俟得官日咨部覈給有議處之案附咨抵  
銷

凡劾過五品以上官身干法紀具疏糾參因人連及與失察等事及六品以下官有犯均咨兵部劾議彙疏以

聞○以曠職記過者歲終考察一次免議官二次以上議處領催三次責懲○在京三品以下五品以上旗員因公罪降革者咨送都察院覈覆該管官出具考語駐防降調官由駐防該管官出具考語送在京本旗轉咨都察院覈覆均引

見候

旨○世爵兼文武職任者犯貪污及行止不端爵秩兼革若公罪獲譴應否留世爵疏請候

旨奉

特旨革職者按其獲罪所由或在兼任或在本爵疏請亦如之世管佐領世爵於所兼任內軍政考察以浮躁議降者留世爵以才力不及議降者並留佐領其選補侍衛以力不勝任咨回者留



世爵佐領怠惰曠職有玷官箴者兼革緣事降級無論留任或調任皆降罰世爵本俸以抵降調降級留任者三年無過革職留任者四年無過奏請開復

凡班聯大朝慶賀常朝坐班東左翼西右翼按品序列均如儀

詳見禮部

每月朔及月之十日二十

日補服

皇帝巡狩方嶽每日常服均於

午門外列坐

萬壽聖節元正均七日上元節三日咸朝服上三旗

四品以上官於

太和門外五品以下及下五旗官於

午門外列坐均與常朝同下五旗王公所屬佐領

官員元正七日上元三日於本王公府第會集

餘日仍於

午門外坐班○八旗分班奏事每旗各以所屬官

十人侍班引

見與六部同內有兼文武階或充

御前

乾清門侍衛及部院司官者不與

凡稽察大祀豫期列都統副都統名奏請

簡命稽察齋戒冊有舛漏官有規避者劾論每旗各

委官一人巡察

壇

廟有褻越不恭者達於其長劾論如之○朝會每旗各委驍騎校二人同門衛官稽察各官僚從有出入喧雜者逮治之○京倉每倉以都統或副都統一人稽察出入率三歲奏代厥有滲漏米有盜竊者移倉場侍郎治之京通各倉每倉以叅領一人往會監督監視支放有通賄舞弊者聽倉場侍郎劾論

凡闕支俸餉俸銀祿米歲以春秋二季支領與

部官同兵米以四季每季鑲黃正黃二旗以孟  
月正白正紅鑲白三旗以仲月鑲紅正藍鑲藍  
三旗以季月赴倉支領餉及馬銀以每月赴部  
支領先由旗冊送俸冊內以見任官俸糈為一  
則有降罰者詳書恩卹俸糈為一則世爵任外  
官留京俸糈為一則餉冊內以見額兵餉為一  
則恩卹兵餉為一則

詳見  
戶部

各冊送部之限俸冊

春季於豫歲之十二月秋季於六月均以十五

日餉冊以豫月之十五日馬銀冊以豫月之十八日逾限不送者論限外由閒散人升補之京官在春秋孟月晦日前者許具冊補支緣事開復官亦如之由外省升調來京其原俸以離任截支者並得補支原俸餘均不得援擬歲終各旗彙繕黃冊以

聞

凡出入符信旗人以事請假往外省者均由旗

具結移咨兵部給以路引往

盛京及

畿輔近地者職官給引如之兵丁由叅領給票注  
限期及所往之地鈐以關防前鋒護軍各執事  
人憑來文給票亦如之間散人鈐票以圖記均  
於回日繳銷其逾限不回回不繳引票及不請  
假私往或往非所指之地者並論○駐防旗人  
及隨任外省各官之子弟以事來京者所司冊

具籍貫年貌行在京本旗並注年貌於咨文給  
本人齎投回日由旗行知該管官仍給回咨其  
不候咨私行或領咨而潛往他處及所司留難  
不給咨者論○夜行憑本旗印帖為驗有事須  
速傳者臨期填注時日給傳事人傳達次日繳  
銷該管官豫發印帖及繳帖漏銷者論

凡服制父母所後父母故及為祖父母承重者  
在外任以聞訃日出征以凱旋日為始皆持服



百日京官由本旗駐防官由該管官各咨兵部  
準假其自駐防回京者往返日月皆不入限假  
滿呈本旗行部銷假各復原任供職二十七月  
內文官停升餘均如常直省文武官由督撫咨  
部行旗十日內具結送部轉發各省飭令回京  
持服停升與在京文官同

凡終養祖父母父母老疾家無次丁援例呈請  
者京官由叅佐領覈實具結申都統奏咨兵部

注冊停升外任外官由所司咨部行旗取結調

回引

見候

旨以旗員改補如繫佐雜無改補之職者咨旗簡委  
差使其不願就者聽○駐防官兵已離職役衰  
老貧困與已故官兵之妻呈請留養外省者必  
有子孫兄弟及奴僕可倚者迺準留駐防兵丁  
呈請歸養者必在京有祖父母父母或親伯叔

祖父母年老家無次丁迺準歸養若兵丁離京  
歲久戶絕以無人守墓呈請者準令一人挈屬  
回京承祀餘人不得偕回均由旗覈實具結咨  
兵部各準所請

凡公署治事設八旗公署歲列都統副都統銜  
名奏請

簡命直年掌八旗會理之事選左右翼官校之賢能  
者分治之領催驍騎掌書鈔各舉職以從其長

卷九十七  
課事考成每事率限十日其需行文會覈者二十日給餘限各如正限之數歲終則會已結未結之事彙疏以

聞所屬之稱職者於每歲更代日咨本旗以應升注冊○各旗專理之事正餘各限與直年同其叅領以歲計佐領驍騎校領催以三歲計各議功罪有差

欽定大清會典卷九十七

欽定四庫全書

欽定大清會典卷九十八

前鋒統領

統領左右翼各一人

或以王公大臣兼領

掌本翼四旗前

鋒之政令前鋒叅領前鋒侍衛左右翼各八人

署前鋒叅領各四人掌督率前鋒警蹕宿衛每

翼隨印協理事務前鋒叅領侍衛各一人前鋒

校二人筆帖式二人

凡營制鑲黃正白鑲白正藍為左翼正黃正紅  
鑲紅鑲藍為右翼前鋒校左右翼各四十八人  
每旗十有二人為一隊鳥槍什長左右翼各二  
十四人隊長如之前鋒八旗滿洲蒙古每佐領  
二人本旗教場操演步射月六次騎射歲二次  
或四次三年考驗一次又於左右翼內各分前  
鋒之半兼習鳥槍月演十次均由統領督率叅  
衛校長如法訓練以定點陟

凡卡倫距

御營一二里外安設立前鋒旗二以為門戶左右以  
次列帳日則瞭望夜則守衛以前鋒叅領前鋒  
侍衛共八人前鋒校前鋒共百二十人董其役  
犯卡倫者坐以軍法

凡升除統領由兵部列名奏請

簡命筆帖式由吏部補用外前鋒叅領員闕於本旗  
護軍叅領一二等侍衛宗室將軍一二等侍衛

前鋒侍衛內遴選六人或七人前鋒侍衛員闕  
以署前鋒叅領一人列於前再於本旗二三等  
侍衛護衛副護軍叅領前鋒校內遴選五人或  
六人署前鋒叅領員闕於本翼前鋒校內遴選  
正陪前鋒校員闕於本旗烏槍什長隊長內遴  
選正陪若闕多人少於前鋒內每闕遴選四人  
或五人均由統領引

見補授協理事務前鋒叅領侍衛員闕於本翼前鋒



叅領侍衛內各遴選正陪引

見補授隨印前鋒校闕於本翼前鋒校內選委前鋒  
烏槍什長闕於本旗隊長隊長闕於本旗前鋒  
各遴選充補

凡拔補前鋒由統領會本旗護軍統領於護軍  
驍騎執事人教養兵間散壯丁內遴選補用  
凡兩翼前鋒統領遇一人奉差外出者即以未  
出差之人兼攝如二人均差奏請

簡署

護軍統領

護軍統領每旗一人掌護軍之政令護軍叅領  
每旗滿洲十人蒙古四人內司鑰長署司鑰長  
各一人副護軍叅領如叅領之數護軍校署護  
軍叅領每旗七人隨印協理事務護軍叅領副  
護軍叅領各一人護軍校各二人筆帖式各二  
人門筆帖式鑲黃正黃正白三旗各十人護軍

校八旗滿洲蒙古每佐領各一人護軍每佐領  
各十有七人

凡宿衛

景運門統領一人司鑰長一人護軍校三人門筆

帖式二人閱門籍護軍

即巴克什

一人護軍十有七

人

隆宗門協理事務護軍叅領一人護軍叅領二人

護軍校三人門筆帖式一人閱門籍護軍一人

護軍十有七人

後左門

後右門各護軍叅領一人護軍校三人門筆帖式  
一人閱門籍護軍一人護軍十有二人

左翼門

右翼門各護軍校二人閱門籍護軍一人護軍八  
人

中左門

中右門各護軍校二人閱門籍護軍二人護軍八人

太和殿

體仁閣

弘義閣

昭德門

貞度門各護軍校二人護軍八人

太和門左右門各親軍校二人親軍八人

協和門

熙和門各護軍校二人護軍八人

中和殿護軍校二人護軍三人東廊西廊各護軍校一人護軍四人

蒼震門護軍叅領一人護軍校三人閱門籍護軍二人護軍十有二人

啓祥門護軍叅領一人護軍校三人閱門籍護軍一人護軍十有二人

吉祥門西北隅銀庫各護軍叅領一人護軍校二人護軍八人

凝華門

中正殿後門東北隅東南隅

文華殿箭亭

紫禁四門內磴道柵欄各護軍校二人護軍八人  
防範火班護軍校一人護軍七人

午門護軍叅領一人左門閱門籍護軍二人左右

門各護軍校三人護軍十有二人

東華門

西華門

神武門各護軍叅領一人護軍校四人閱門籍護  
軍二人護軍十有六人

北上門護軍校二人護軍八人恭遇

車駕巡幸東華門西華門神武門各增統領或協理  
事務前鋒護軍叅領一人以鑲黃正黃正白三



旗官軍按日分班直宿每班五百二十五人

闕左門司鑰長一人護軍校一人護軍九人

闕右門護軍叅領一人護軍校一人

端門

天安門

大清門各護軍叅領一人護軍校二人護軍十有

八人

紫禁城外周環十六堆鋪各叅領一人護軍校一

人護軍九人四柵闌各護軍校一人護軍九人  
以正紅鑲白鑲紅正藍鑲藍五旗官軍分班直  
宿每班三百有一人統隸於

景運門直班統領稽察曠誤者論如法

凡禁門啓閉各以其時

車駕出入啓中門以

景運門直班統領率

隆宗門叅領祇承其事並令護軍清蹕每夕

景運門直宿司鑰長自

後左門後右門

中左門中右門

左翼門右翼門

太和門

昭德門

貞度門以次驗視局鐫

午門以

隆宗門護軍叅領

東華門以

蒼震門護軍叅領

西華門以

啓祥門護軍叅領

神武門以

吉祥門護軍叅領分視局鑄畢各遣護軍校納鑰  
於司鑰長司鑰長受驗諸門鑰彙貯於篋復加

局鑄詰朝各門校以次領鑰啓門

紫禁城外各門啓閉由

闕左門司鑰長委護軍叅領一人驗視局鑄

紫禁城內

景運門

隆宗門

東華門

西華門

神武門各

頒陰文合符如遇夜間有

旨啓門

大內出陽文合符該護軍叅領即取陰文合符驗

明啓鑰其

蒼震門

啓祥門等門報統領齋陰文合符至門與陽文合

符比驗迺啓均於次日奏

聞

凡門禁百官執事人出入

紫禁城門皆憑門籍籍內備書爵秩姓名於經由之門各置一通擅入及縱入者並論

凡禁門軍器

紫禁城內各門各堆鋪及

午門

東華門

西華門

神武門外班房均陳列橐鞬弓矢長槍之屬弓日  
令弓人張弛矢旬日簡視必利必整槍及殲歲  
終皆易以新橐鞬以八年弓矢以十年槍以十  
五年移文武備院更換一次損失者論

凡扈蹕恭遇

親祀

壇



廟統領一人同內大臣侍衛於豹尾班後管束

駕宿齋宮

南郊

輦路清蹕護軍叅領三十二人護軍校護軍八百人

神樂署周圍清蹕護軍叅領八人護軍校護軍

八十人

園丘外清蹕叅領二人護軍校護軍二十人門五以統

領一人協理事務叅領二人護軍叅領五人司

鑰長二人護軍校護軍百人宿衛設十四堆鋪  
以護軍叅領六人護軍校護軍百五十四人巡  
守

北郊

輦路清蹕與

南郊同

壇外清蹕護軍叅領十有一人護軍校護軍百有十人  
門四以統領一人協理事務叅領二人司鑰長

二人護軍叅領四人護軍校護軍八十人宿衛  
設十一堆鋪以護軍叅領八人護軍校護軍百  
有十人巡守

車駕經行城內以上三旗官軍城外以八旗官軍衛  
道清蹕均由

景運門直班統領計程遠近隨時酌委以統領一  
人率護軍叅領一人稽察

回鑾亦如之

凡

行在宿衛扈蹕以統領三人營總三人掌其政令  
御營宿衛網城三門以上三旗護軍叅領六人護軍  
校護軍六十人設九堆舖以上三旗護軍叅領  
九人護軍校護軍九十人外連帳四門以下五  
旗護軍叅領八人護軍校護軍八十人設四堆  
舖以下五旗護軍叅領四人護軍校護軍四十  
人警蹕以八旗護軍叅領八人護軍校護軍百

二十人頻營守衛以護軍叅領二人護軍校護  
軍四十人每日扈從及合圍官軍並於八旗內  
酌簡

凡訓練月以初二初六十一十六二十一二十  
六等日步射六次歲以春秋擐甲胄騎射各一  
次或二次三年考驗一次均由統領督率叅校  
軍士如法訓練以嚴黜陟

凡升除統領由兵部列名奏請

簡用筆帖式咨吏部考取補用外協理事務叅領員  
闕於護軍叅領內司鑰長署司鑰長員闕於護  
軍前鋒烏槍叅領內護軍叅領員闕於本旗驍  
騎叅領冠軍雲麾使一二等侍衛護衛前鋒侍  
衛副護軍叅領宗室一二等侍衛鎮國輔國等  
將軍子男輕車都尉等官內選六人或七人副  
護軍叅領員闕以署護軍叅領一人列於前再  
於本旗副驍騎叅領雲麾使治儀正二三等侍

衛護衛宗室二三等侍衛奉國奉恩將軍佐領  
騎都尉雲騎尉等官內選二人並於護軍校內  
選一人署護軍叅領員闕於本旗護軍校內均  
由該統領會本翼四旗統領遴選正陪引

見補授護軍校員闕於本佐領下前鋒親軍護軍領  
催及食四兩餉銀之執事人內遴選二人擬定  
正陪由該旗統領會同本翼四旗統領引

見補授

凡拔補護軍由該統領會同本旗都統於本佐領下驍騎執事人教養兵步軍閒散壯丁內遴選善於國語弓馬嫻熟人材壯健者補用

凡官員親隨兵養廉支借俸銀官軍優卹均與八旗驍騎營同

嚮導

總統無定員以前鋒統領護軍統領八旗副都統兼理於八旗前鋒營護軍營內選叅領侍衛



四人前鋒校護軍校前鋒護軍六人佐之恭遇  
時巡省方以嚮導總統一人先期率官校詣

車駕經行之地周覽山川通橋梁夷險隘計程入告  
駕行佩橐鞬前導既駐

蹕以次日程塗及駐

蹕之所奏

聞交

行在兵部曉諭闔營

回鑾亦如之○駐蹕

御營及頓營看城均由嚮導總統先期指示飭所在

有司修築營盤

欽定大清會典卷九十八

欽定四庫全書

欽定大清會典卷九十九

步軍統領

提督九門巡捕三營步軍統領一人掌管門禁  
鎖鑰統率八旗步軍三營將備以肅清

輦轍協理刑名部臣一人掌叅酌刑律所屬文職  
十有七人武職六百六十人

員外郎二人主事二人掌勾檢旗營簿書○司

務一人掌稽察簿書兼理俸餉○筆帖式十有  
二人掌文移繙譯

左右翼步軍翼尉各一人八旗步軍協尉副尉  
各二十四人掌董率守衛巡警掃除步軍尉每  
旗滿洲二十四人蒙古漢軍各九人委署步軍  
尉每旗滿洲各五人蒙古漢軍各二人掌分汛  
警夜清道詰姦捕盜步軍尉滿洲每旗各三人  
蒙古漢軍每旗各一人

步軍尉  
遴委

緝捕盜賊稽察

姦宄領催二千三十一人步軍萬七千八百四

十七人

養廉名糧六百八人門軍六百四十人不入數內

城門領內九

門每門二人外七門每門一人城門吏同門千

總內外門每門均二人掌嚴啟閉出入以稽詐

偽

信礮總管一人五品官八旗各一人掌監守白

塔信礮

中南北三營叅將各一人游擊各一人掌訓練

弁兵分駐巡緝守備十有九人千總十有五人  
把總三十人掌分守營汛緝捕姦匪外委千總  
十有五人外委把總二十六人分汛協防隨營  
差委馬兵千四百四十人步兵三千五百六十

人

內養廉公費名糧扣除馬兵百七十六人步兵三百六十四人

凡本屬文武官升除員外郎員闕咨吏部轉行  
各部院遴選主事移送與本衙門主事同簡選  
主事於司務筆帖式內選擬正陪由統領引

見補授司務於筆帖式內選擬正陪咨送吏部筆帖式咨吏部行各部院保送筆帖式簡選擬調由吏部引

見補授○步軍翼尉會該翼滿洲都統護軍統領各選驍騎叅領護軍叅領一人引

見補授協尉於該旗城門領副尉步軍尉內選擬如步軍營不得其人會同該旗都統於男以下騎都尉以上世爵內選擬正陪副尉於該旗步軍

尉等官內選擬步軍尉會該旗都統於委署步  
軍尉雲騎尉前鋒護軍驍騎諸校城門吏隨旗  
行走之五六七八品官及調旗部員內選擬正  
陪委署步軍尉會同該旗都統於雲騎尉護軍  
驍騎諸校及隨旗行走之五六七八品官內選  
擬均引

見補授捕盜步軍尉於該旗步軍尉內遴委○城門  
領內九門以八旗滿洲外七門以八旗漢軍均



於該旗步軍副尉步軍尉內選擬步軍營無可  
升授者會該旗於騎都尉雲騎尉內選擬正陪  
城門吏由該旗都統於前鋒護軍領催驍騎內  
選擬均引

見補授門千總移咨兵部銓補○監守信礮總管由  
八旗直年都統等以八旗三四品世爵及監守  
信礮官內簡選十人引

見補授監守信礮五品官該旗都統於騎都尉雲騎

尉護軍驍騎校及六七八品官內擬正陪引

見補授○巡捕三營叅將游擊守備以次升補均簡  
選引

見補授千總以把總選補把總以外委千把總及馬  
兵並發營補用之人拔補外委千把總皆循次  
拔補

凡拔補軍士步軍領催於該旗步軍內拔補步  
軍咨該旗冊送正身閒散壯丁及旗下家人選

補捕盜步軍

三百二十人  
在步軍數內

於該旗步軍內拔補

城門驍騎三百人內九門以滿洲蒙古外七門  
以漢軍各咨取該旗年壯驍騎調補門軍六百  
四十人內九門以滿洲蒙古外七門以漢軍各  
於該旗步軍內選補均不得以教養兵充選礮  
手每門各二人內九門咨取漢軍旗礮手外七  
門以該門城門驍騎各選取充補監守信礮領  
催四人礮手八人咨該旗於漢軍領催礮手內

移送步軍十有六人即以漢軍旗步軍選驗調補○三營馬兵咨取八旗漢軍內府閑散壯丁與召募良民一同選充其開戶人充兵後有技優能効力者以拔補外委千把總為限○番捕人役皆召募民人充當

凡城門朝啟以昧爽夕閉以日入

皇城諸門自

大清天安端門而外皆屬八旗步軍官兵守衛遇

朝會之期委步軍協尉副尉各四人步軍尉十有  
六人酌撥步軍於

大清門內

午門外

御道左右巡警掃除逐止從役又委捕盜步軍尉  
四人於

長安左右門外稽察出入

京城諸門頒陰文合符於步軍統領及正陽西直

二城門領如遇夜間有

旨啟門

大內出陽文合符正陽西直二城門領即取陰文合符驗明啟鑰其餘各門報統領齋陰文合符至門與持至之陽文合符比驗迺啟次日奏

聞朝祭

御門及

行幸駐蹕王公百官有應早啟城門出入者兵部覈

所經由限以時刻轉行統領傳知各門早啟平  
時啟閉均循常制

郊祀先一日

駕宿齋宮統領於附近城門內翼尉一人協尉副尉  
四人於祀所直宿外垣以內八旗步軍設汛巡  
警外垣以外三營弁兵設汛稽察恭遇

時巡省方奏請翼尉一人扈蹕仍委協尉一人筆帖  
式守備千總把總各一人八旗捕盜步軍尉八

人健步官十人三營馬步軍捕役六七十人隨從

皇城及正陽崇文宣武門內外通衢要道均增置汛防別委旗營官弁倍常巡警各門亦嚴加守衛

回鑾日迺撤

凡守衛

皇城内專隸八旗滿洲分汛九十列柵一百十有



六

皇城外八旗滿洲蒙古漢軍分汛六百二十有五  
列柵千一百九十有九均令步軍尉督率步軍  
按所轄地界防守稽察夜則擊柝傳籌巡更黎  
明迺止外城分隸三營中營所屬馬兵汛五十  
有四步兵汛五十有五列柵百九十有三南營  
所屬馬兵汛六十有二步兵汛八十有二列柵  
百四十有五北營所屬馬兵汛四十有九步兵

汛四十列柵百有二各統以叅游轄以專汛守  
備分防以千把總率兵巡警如前○內九門城  
上設步軍汛八十七所恭遇

行幸駐蹕增八旗驍騎汛四十八所如

車駕省方巡狩撤步軍分防通衢城上汛守悉易以  
八旗驍騎外七門城上設汛四十三所營兵更  
番防守轄以千把總三人○

圓明園八旗步軍汛凡五十三營馬兵汛十有五

步兵汎五十有二○

靜明園三營馬兵汎十有二○

靜宜園三營馬兵汎一步兵汎十西山小屯村及  
冷泉各設三營馬兵汎一步兵汎四凡遇

駐蹕叅將一人率各汎守備於通衢千把總等於僻  
巷晝夜嚴謹稽巡

乘輿經由內外城統領率所部官兵先時除道設幃  
衢巷以蹕行人

凡緝姦

京城內外遇有強竊橫惡負罪潛逃私毀私鑄賭博鬪毆者均責成八旗三營專汛兼轄等官隨時緝獲按名議叙有差逾限不獲諱匿不報軍捕受財縱放該管官扶同徇隱者並論如法

凡斷罪八旗三營緝護違禁犯法之民罪止笞杖者即時審斷發落不得拘留徒罪以上送刑部審擬旗人犯姦應坐流罪折枷責以下者依

律斷結罪至死會三法司滿堂官審擬具奏

凡訓練八旗步軍習步射城門驍騎習鳥槍均  
春秋操練步軍翼尉同城門領更番考閱內九  
門設大礮各十外七門設大礮各五每門礮手  
二名三營叅將游擊月考其屬之弓矢守備千  
總把總各練汛兵春秋習鳥槍與城門驍騎同  
凡優卹給入官房千四百三十四間地四百畝  
有奇歲收租銀以為辦差公費及賞賚番捕之

用○官有養廉武職給兵糧統領馬兵九名翼尉四名協尉步軍三名副尉二名步軍尉委署步軍尉各一名叅將馬八步十有二游擊馬六步九守備馬三步五千總馬一步四把總馬一步三外委千把總均步一每營設公費名糧馬兵步兵各五名○文職給以房租員外郎主事司務皆歲支銀百兩筆帖式八十兩○軍有卹賞八旗步軍婚喪之事於本旗優卹銀內賞給

詳見八  
旗典則

三營軍士以房地餘租九千兩生息喪  
葬卹以四兩婚嫁賞以二兩○步軍尉隨圍捕  
盜步軍尉差委緝捕視其日之久暫給路費三  
十兩或二十兩於生息銀內動支步軍差巡墊  
道每旗統備帳房四十架俾避雨雪於工部咨  
取

### 凡禁令

京城內傳更閉柵王公官民皆禁行走惟奉

旨差遣各部院傳事民間婚喪祭祀或疾病產婉延  
醫召媼均詢明聽出若無故夜行及弁兵疎縱  
與非時妄拏者論如律○火災隨時防範偶遇  
有失官兵各按旗營界址即時赴救曠誤者論  
○五城米廠平糶禁商賈囤販肩負數寡者聽  
○送葬者禁出正陽門夏日至祭

北郊春秋祀

東西郊臨期朝陽阜成安定諸門禁亦如之○八旗



官軍耽於優劇內外城闌閹侵占街塗送死者  
用火化三冬風高燃放起火以及番捕擅設白  
役偵探部院事端擾害良善者皆有嚴禁

欽定大清會典卷九十九

欽定四庫全書

欽定大清會典卷一百

火器營

總統六人

以王公領侍衛內大臣都統前鋒護軍各統領兼任

掌教演火

器之政令八旗鳥槍護軍叅領十有六人旗各

二人鳥槍驍騎叅領二十四人滿洲旗各二人

蒙古旗各一人管鳥槍散秩官五十六人管礮

散秩官四十人鳥槍護軍校一百十有二人鳥

槍驍騎校一百十有二人管礮驍騎校四十人

八旗滿洲蒙古每佐領下烏槍護軍三人烏槍

驍騎四人礮驍騎一人

以上烏槍護軍叅領為該營專設官餘均以八

旗滿洲蒙古官兵兼任

凡訓練歲於七月十七日始

遇閏七月即於閏七月十七日為始

至次年四月十八日止

封印日至開印日暫停

月以初四

初九十四十九二十四二十九等六日演礮初

二初七十二十七二十二二十七等六日演鳥

槍初六十六二十六等三日校射春秋會操於  
安定門外教場大操日隨大隊列陣合操於仰  
善窪每年秋後奏請於蘆溝橋演放子母礮得  
旨率官軍前往蘆溝橋演放十日開演日一應祭礮  
儀節均與漢軍同

圓明園八旗護軍營

總統無定員

以王公大臣兼任

掌

圓明園翊衛之政令營總八人護軍叅領八人均

旗各一人副護軍叅領十有六人旗各二人署  
護軍叅領三十二人旗各四人護軍校百二十  
八人副護軍校百二十八人均旗各十有六人  
護軍三千六百七十二人旗各四百五十九人  
教養兵四百八十人旗各六十人  
凡翊衛於

圓明園周圍相度地勢建營房八處分旗駐劄

圓明園設堆鋪七十有六日以營總護軍叅領各

二人副護軍叅領署護軍叅領十有五人護軍校護軍七百六十人守衛

長春園設堆鋪二十日以護軍叅領一人副護軍叅領署護軍叅領四人護軍校護軍二百人守衛

清漪園設堆鋪六日以副護軍叅領或署護軍叅領一人護軍校護軍六十人守衛恭遇

駐蹕靜宜園設堆鋪五十有一日以營總二人護軍

叅領一人副護軍叅領署護軍叅領十有三人  
護軍校護軍五百十人守衛

暢春園設堆鋪十有九日以營總一人副護軍叅  
領署護軍叅領五人護軍校護軍一百九十人  
守衛恭遇

車駕行幸官軍沿途清蹕隨時酌委

凡訓練步射騎射鳥槍步獵及軍政考驗均與  
八旗護軍營同又於八旗營房內各設學舍以



繙繹生員六人充教習分教本營肄業子弟

凡升除總統員闕由本處奏請

特簡營總員闕於本營護軍叅領及京中護軍叅領  
內護軍叅領員闕於本營署護軍叅領內副護  
軍叅領員闕於本營署護軍叅領內署護軍叅  
領員闕於本營護軍校內護軍校員闕於副護  
軍校內均由總統遴選擬正陪引

見補授副護軍校筆帖式均於護軍內護軍於教養

兵閒散壯丁內遴選均由總統考驗拔補

凡八旗牧養官馬三千一百十有二匹每遇

車駕巡狩需用官馬回時繳還一如京中八旗之制

其官員親隨兵養廉官軍優卹均與

京城同

健銳營

總統無定員

以公侯大臣兼任

翼領二人前鋒叅領八

人副前鋒叅領八人署前鋒叅領十有六人前

鋒校五十人副前鋒校四十人什長五十人筆

帖式四人前鋒千人

副校什長筆帖式均在內

委前鋒千人

習雲梯馬步射鳥槍馳馬躍馬舞鞭舞刀水戰  
駕船駛風之技翼領督率所屬隨時訓練恭遇

巡狩視

京城護軍營官軍十分之二委叅副校士隨蹕

凡升補翼領員關於前鋒叅領內前鋒叅領員  
關於副前鋒叅領內副前鋒叅領員關於署前

鋒叅領內署前鋒叅領員闕於前鋒校內前鋒  
校員闕於副前鋒校筆帖式內均由總統遴選  
擬定正陪引

見補授副前鋒校闕由總統於筆帖式什長內選補  
什長筆帖式闕於前鋒內前鋒闕於委前鋒內  
委前鋒闕於教養兵間散壯丁及八旗驍騎教  
養兵內教養兵闕於壯丁內拔補

凡官軍俸餉優卹親隨兵養廉均與

圓明園護軍營同

三旗虎槍營

總統一人

以公侯領侍衛內大臣簡任

總領六人

以內大臣都統前鋒

護軍統領副都統侍衛叅領簡補

三旗虎槍六百人旗各二百人

於侍衛叅統領親軍前鋒護軍驍

騎校親軍前鋒護軍領催驍騎及閒散人內選用

虎槍長旗各七人副

長七人

於虎槍人內簡選引見補授

恭遇

車駕巡狩虎槍總統總領日以十人佩虎槍於前導

侍衛前行安營後偵虎豹出入備伏弩箭犁刀  
行田遇大獸則列槍從之奉

旨殺虎或追蹤或尋山得實具奏有

旨則殺虎以獻以首先刺虎一二人名奏


聞○如差往

畿輔近地或於口外殺虎量地方遠近奏請

簡總統或總領酌帶虎槍人前往○選八旗善騎射  
者旗各叅領二人前鋒護軍校二人前鋒護軍

十有八人共一百六十人

行田時於蒙古圍後列隊隨行獸有逸出圍外者馳  
騁射獵以厲士氣以整軍容



欽定大清會典卷一百